



## Publicaziuns officialas dils 06-04-2018

---

### Damonda da baghegiar

Nr. 24/2018

Datum da publicaziun: 06-04-2018

Patrun: Oвра da gera e sablun Rabiun SA, 7172 Rabiun

Liug e parcella: Igniu; 699

Object: remplazzament stabiliment da rumper crappa e construcziun d'ina nova tschenta da transport

Ils profils ein tschentai ed ils plans da construcziun ein deponi tier la canzlia communal.  
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 06-04-2018

*Cumissiun da baghegiar*

### Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

#### Nr. 17/2018

Daniela Hitz-Werth, 7402 Panaduz; sanaziun dallas finiastras, dils barcuns e digl esch dalla tegia, installaziun d'in indrez solar vid il baghetg nr. 610A sin parcella nr. 4218 a Rabiun-Tscheps.

#### Nr. 21/2018

Degonda SA, 7176 Cumpadials; sanaziun ed isolaziun dil tetg dil luvratori, nova cuvrada da glera, tilacametg per ils baghetgs nr. 701 e 701A sin parcella nr. 3131 a Cumpadials-Caharli.

#### Nr. 23/2018

Natalino ed Evelin Caprino-Maissen, 7172 Rabiun; sanaziun dil mir sper il baghetg nr. 446A sin parcella nr. 134 a Rabiun-Caltgera.

#### Nr. 26/2018

Martin Bundi, 7175 Sumvitg; nova lingia da sfundrar aua e niev foss sin parcella nr. 2065 a Sumvitg-Chischliun.

Sumvitg, 06-04-2018

*Cumissiun da baghegiar*

## **Radunonza da vischnaunca**

La proxima radunonza da vischnaunca ha liug mardis, ils 24 d'avrel 2018 allas 20.00 uras a Cumpadials.

### ***Gliesta da tractandas***

1. Avertura e beinvegni
2. Elecziun da 2 dumbravuschs
3. Approbaziun dil protocol dalla davosa radunonza communal dils 15-12-2017
4. Tractaziun ed approbaziun dil project da sanaziun dalla via dall'alp Glivers e concessiun dil credit brut da 505'000 francs
5. Scassar la decisiun dalla radunonza communal dils 28-05-2015 pertuccont baghegiar ina tegia mo per ina partida a Val Tenigia e tractaziun ed approbaziun dil project per la sanaziun dalla tegia da Val Tenigia e concessiun dil credit brut da 290'000 francs
6. Tractaziun ed approbaziun dil project da realisar uauls natural ed inslas d'uaul
7. Orientaziuns
8. Varia

Dils documents tier las tractandas 4-6 sa vegnir priu investa sin canzlia communal durant las uras da spurtegl.

Sumvitg, 06-04-2018

*Suprastonza communal*

## **Vignettas da mopeds**

La vignetta da mopeds 2018 sa vegnir retratga tier l'administraziun communal. La taxa munta **frs. 43.--**.

Sumvitg, 06-04-2018

*Administraziun communal*

## **Serrada via Val Sumvitg**

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 06-04-2018

*Departament stradal*

## **Sanaziun dallas vias Catat, Caduff e Chistrisch**

### **Lavurs d'impressari**

Mardis, ils 03-04-2018 vegn cuntinuau cun las lavurs da sanaziun dalla Via Catat. Muort las lavurs vid l'entrada en la via cantunala ein las vias da Catat e Caho serradas naven dils 03-04-2018 entochen ils 06-04-2018.

Naven dils 09-04-2018 entochen ils 13-04-2018 ei la Via Fravia serrada.

Ils 16-04-2018 vegn entschiet cun las lavurs vid las vias Caduff e Chistrisch.

### **Lavurs da catram**

Ils 23-04-2018 vegn entschiet cun las lavurs da catram.

Nus supplichein da far diever dil sviament sur la via da Cavivens durant il temps da sanaziun. Nus engraziein per Vossa capientscha. Ulteriuras informaziuns survegnis Vus directamein dil biro d'inschignier Deplazes a Surrein (tel. 081 943 25 60).

### **Chor mischedau Rabiüs**

Concert communabel cun la societad da musica Danis/ Tavanasa ils **21 d'avrel 2018** allas 20.00 en casa da scola Rabiüs.

### **Club da tennis Trun**

Sco usitau organisescha il club da tennis era uonn

#### **Cuors da tennis per affons e juvenils**

**Annadas 2008–2011:** Entschatta, mesjamna, ils 25 d'avrel 2018 allas 13.30–15.30 (mintgamai in'ura per gruppa)

**Annadas 2007 e pli vegls:** Entschatta, mardis, ils 24 d'avrel ni gievgia, ils 26 d'avrel 2018, dallas 18.00–20.00 (mintgamai in'ura per gruppa)

Dapli informaziuns e s'annunziar tier nies cau da juniors, tel. 079 521 26 37

Fin d'annunzia: dumengia, ils 15 d'avrel 2018 Il cau diils juniors, Simon Decurtins

### **Meisa da miezdi (gentar communabel) dalla Pro Senectute a Cumpadials**

La Pro Senectute Surselva organisescha ensemen cun Nadja Scolieri ell'«Ustria dalla staziun» a Cumpadials ina meisa da miezdi (gentar communabel) inagada per meins, mintgamai il venderdis. Intent dalla meisa da miezdi duei esser da promover la cuminonza ella **vischnaunca da Sumvitg e contuorn denter las personas ella vegliadetgna dalla pensiun. Plinavon dat ei la pusseivladad d'embellir quella occasiun cun star suentermiezdi da cumpignia e dar in scart troccas ni auters giugs.**

Liug: «Ustria dalla staziun», 7176 Cumpadials

Datum: **venderdis, ils 13 d'avrel 2018** allas 12.00

Annunzias: Ein da far entochen mesjamna sera tier «Ustria dalla staziun», Cumpadials

Tel. 081 943 19 22

Engraziel fetg e cordials salids *Pro Senectute Grischun*

### **Apparat d'udida**

**Gliendisdis, ils 16 d'avrel 2018** saveis Vus schar schubergiar e rugalar Vies apparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el Puntreis, Center da sanadad a Mustér

Las firmas Amplifon cun dunna Roffler e Jäggi cun signur Gfeller surprendan

communablamein quei survetsch gratuit per tuts interessents. Ei drova negina annunzia.